

AKASHVANI AIZAWL
REGIONAL NEWS BULLETIN

HEADLINES (EVENING)

- 1. Tunhnaia ruahsurin tui a tih nut avangin tui pump a harsaa, mipuite tui ren turin PHE in a chah.
- 2. Lunglei Municipal Council (LMC) huam chhung atanga tal chhuak turin Hauruang khua chuan hma a la zui dawn.
- 3. WAVES Summit 2025 neih mekah Union Information and Broadcasting Minister Ashwini Vaishnaw chuan media leh entertainment sector ah India chu khawvel hmahruaitu a ni thei tih a sawi.
- 4. India leh Angola chuan vawiin khan thawhdunna tur inremna thuthlung chi hrang hrang an ziaak.



PHE

Tunhnaia ruahsurin Aizawl tui tlan atih nut avangin tui pump chawlh rih a ni a, pump leh theih hun hriat ala nilo a. Tui nut zawng hi tukin dar 8:15 AM a teh dan ah chuan NTU 932 a ni a. Thawk tute chuan tui pump leh theih hun hriat a nih loh avangin mipuite tui ren turin an chah.

Nimin leh nimin piaah lama ruah sur avang hian Mizoram hmun hrang hranga tuilak kawngah harsatna a thleng a, Champhaiah chuan khawpui tuilakna, Khawchhak tuipui chu nasa takin a nu a, Tuipui tui PHE in an Pump-na chu mipui ei in atana Pump tlak lohva a nut mek avangin PHE Department chuan tui an Pump theih hun tur an sawi thei lova, hemi avang hian hun engemaw chen chu Mipui tui in tur an Pump thei dawn lo tih an sawi a ni.



AAP MIZORAM

Aam Aadmi Party Mizoram chuan Aizawl Peak Resort, Zuangtui a mi chu Aizawl Municipal Corporation atanga phalna neilova sak a ni an ti.

Kumin February Ni 18 a Chief Minister Pu Lalduhoma’n a hawn tak Aizawl Peak Resort chu RTI-a chhanna an hmuh danin phalna neilo a sak a ni an ti a, Aizawl Municipal area a AMC hriatpuina tello a sak a ni chu mak an tih thu an sawi a. Skywalk neitu ZPM MLA ni a sawi awm chu hriatchian an chak thu an sawi.

AAP Mizoram Working President Pu Lalngaihawma chuan Skywalk/Skybridge chu Mizoram tan Ieh Mizo-te tan tha hle mahse AMC huamchhung ami AMC hriatpuina leh endikna tello a sak a nih avangin a him tawh lo anti.

AAP Mizoram chuan Social media a hmuh anga balu bag 600 dahchhin hmanga a him tawh leh tawh loh enfiah a ni chu a tak a nih chuan modern technology tha ber hman a ni lo tina a nih thu leh, chiatrupna thlang thei reng ni ah an ngaih thu an sawi.

Skywalk chu Mizoram tan pawh a tangkai tak la ni zel tur a nih laia AMC hriattir lo leh phalna nei lo a siam a ni chu an hrethiam loin leh AMC lam ina hma anla la lo chu mak an tih thu an sawi bawh.

<><><>

AMC ON STREET VENDOR

Aizawl Municipal Corporation thupek anga Venghlui leh Tuikual South huamchhunga kawngkama thilzuar thin ten AMC Multi Complex Tuikual South-a an insawn thlak hnuah thilzuar te chuan dawrtu an hmuh zawh loh thu an sawi.

Akashvani palai in thilzuar an kawmna ah he thu hi an sawi a, thilzuar te chuan AMC Multi Complex Tuikual South chu ruahsur leh thildangah him zawh mahse an inhralh mumal loh thu an sawi a ni.

Treasury Bazar Secretary Pu C. Lalrinawma chuan a hmaa an thutna chu mipui tan pan a awlsam zawh avangin an in hralh tha zawh a ti a, AMC Multi Complex ah suan luh ni mahse, an vaiin an leng lo a, chubakah seat neilo thahnem tak an awm a, an len vek theih chuan bazaar thu te leh thil leitu te tan a awlsawm zawh a rin thu sawiin AMC Multi Complex ah thuneituten an thutna hmun tur ngaihtuah sak se a duh thu a sawi bawh.

AMC Municipal Commissioner Pu Joseph H Lalramsanga chuan Venghlui leh Tuikual South huamchhunga thil zuar thin te chu AMC Multi-

Complex Tuikual South-ah in sawn vek turin zirtawpni khan thupek a lo chhuah tawh a. Kawng kama thil zawrh phal lohna hmunah thut phal anilo tih sawiin dan palzut te hi cheng sang 5 thleng chawi tir theih an nih bakah an thil zawrh man sak theih an ni a ti a, mipuite chu phalna hmuna thil zuarte dawr turin an ngen tih a sawi bawk.

<><><>

LMC

Lunglei Municipal Council (LMC) huam chhung atanga tal chhuah duh leh duhlo te hming lain tukin khan Hauruang khua Local Council huaihawtin Community Hall-ah vantlang inkhawm koh a ni a.

He hun hi Local Council Chairman Pu Zothanmawia Sailo chuan kaihruaiin LMC atanga tal chhuah duh leh duhlo hming ziahna ah hian kalkhawm te chuan LMC atanga talchhuah an duh tih hming ziakin signature an pe a, LMC a la awm zel duh an awm lo a nio.

Hauruang Local Council Chairman Pu Zothanmawia Sailo chuan Mizoram puma VC leh Local Council inthlan zawh hnuah NGO Co-Ordination huaihawtin meeting neih anih tawh thu leh chutah chuan LMC atanga talchhuah dan ngaihtuah a hmalak nise tih an dah a, hemi bawhzuina kalzel a ni tih a sawi a. Ruahmanna an siam dan chuan karleh lamah khian Chief Minister emaw Home Minister emaw hmuh nise an ti a. NGO ten thu an pass hnu lawk khan Mizoram Larsap hmuh tumin appointment an siam erawh vawiin thleng hian a hlawhtling ta lo a ni a ti.

Hauruang khua hi Lunglei leh Tlabung Road, Lunglei leh Phairuankai khaw inkar a awm a ni a, In 100 bawr vel niin mi tam ber chu kut hnathawka eizawng an ni. Huaruang bakah hian Lungpuizawl leh Zobawk khua te pawhin LMC atanga talchhuah an duhthu an lo au chhuah pui tawh thin a ni.

<><><>

HORTI

Horticulture Department-in a Thiak a Centre of Excellence for Flowers dinna tura rawtna a siam endik tura Holland atanga lo kal, Ton Bakker, PUM Expert, Indo-Dutch Centre of Excellence for Flowers chuan Aizawl a lo thleng a,

Nimin khan Horticulture Department hotute leh Mizorama Floriculture lama pawl lian pali - Zo-Anthurium Growers Co-Operative Society (ZAGCS), Mizoram Florist Association, Mizoram Bonsai Association leh Orchid Society of Mizoram hruaitute chu Directorate of Horticulture Committee Room-ah meeting a neih pui a, Rawtna leh ruahmanna an lo neihte an sawi ho ani.

Pu Ton Bakker-a hian Horticulture Department-in a Centre of Excellence for Flowers atana hmun an lo rawt mek a endik bakah Mizorama

pangpar chingtu pawl hrang hrangte hmalakna a hmunah ngei a enpui a, Florists Fair neih mekte pawh fangkualin Aizawl leh a chhehvela pangpar chinna hmun te a fangkual bawk ani.

Pu Ton Bakker-a chuan Horticulture Department leh pawl hrang hrang hmalakna fakin, hmasawn theihna lai tur te sawi ho a ni a, Mizoram in hmabak eng tak a neih thu a sawi.

<><><>

BADMINTON

Yonex-Sunrise All India Junior Ranking Badminton Tournament 2025 neih zawh taka mipa kum 19 hnuai lam inelnaa champion Mizo rawlthar H. Lalthazuala chu Asian Badminton championship ah India aiawh a khel turin a in puahchah zui a.

India rama Badminton inelna lian leh ngaihhlut hlawh hi Panchkula, Haryana-ah neih niin, Thazuala hi seeded 11-na a ni a, nimin final-ah seeded pathumna Ansh Negi chu 21-19, 21-16 (straight set) hmangin a hneh a ni.

H.Lalthazuala chuan tun dinhmun a thleng thei chu an coach te leh hruaitute thawhrim rah leh a nu leh pa leh chhungte tawngtaina rah a ni a ti a, international competition ah sang tak thleng turin theihtawp a chhuah tur thu a sawi a ni.

LalThazuala bakah hian C. Lalramsanga chuan U-19 Mixed doubles leh U-19 Boy’s doubles-ah silver medal a la ve ve bawk a, Girls Double huangah Lalrempuii chu Tanoo Chandra-i nen inkawpin bronze medal an vaw chhuak ve bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

WAVES

WAVES Summit 2025 neih mekah Union Information and Broadcasting Minister Ashwini Vaishnaw chuan media leh entertainment sector ah India chu khawvel hmahruaitu a ni thei tih a sawi.

Pu Vaishnaw chuan khawvel firm lian tak takten India-a sumdawnna rawn tih an duh tih sawiin Google, Meta leh Microsoft te tiamin khawvel huap firm lian pasarih ten Indian Institute of Creative Technology IICT nen WAVES Summit neih chhungin inremna an ziak tih a sawi a. Cheng vaibelchhe 400 sengin Mumbai ah IICT din a ni dawn tih sawiin Pu Vaishnaw chuan hun lo kal turah IICT chu IIT leh IIM anga kal chho tur a ni a ti bawk.



INDIA-ANGOLA AGREEMENT

India leh Angola chuan vawiin khan thawhdunna tur inremna thuthlung chi hrang hrang an ziaak. Vawiina inremna an ziah zingah hian agriculture, ramhmul damdawi leh culture lama thawhdunna turte a tel a. Prime Minister Narendra Modia leh Angola President Joao Goncalves Lourenco te New Delhi-a an inbiak hnuah heng inremna hi ziah a ni.

Angola President João Manuel Gonçalves Lourenço chuan ni thum cham turin nimin khan India a lo thleng a. Airport-ah Union Minister of State for External Affairs Kirti Vardhan Singh chuan a lo hmuak a. Pu Laurencu hi sawrka mi pawimawh ten an lo tawiawm a. Heng zingah Minister, official senior leh sumdawng hausa te an tel a ni.

Tun tum hi kum 38 hnua Angola President lo zin leh hmasak ber a ni a. Kum 40 India leh Angola ten thawhdunna an neih cham a ni.

